



# შირაქი

## SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№45 (9.710)

5-12 დეკემბერი 2015 წელი

ფასი: 50 თეთრი

ყოველკვირეული გამოცემა

### პირველი თოვლი

მმ.8



### გაუქმებული არაფერია



### სასწავლო პროცესი აღდგა

მმ.3



### საგზაო უსაფრთხოება საქართველოში – საჭე მარცხნივ თუ მარჯვნივ?

მმ.7



### სამყაროს უავ-თეთრი ფერები

მმ.2

მისი მიზანია, უფრო ახლოს მივიდეს უსინათლოებთან და დაინახოს, თუ რას გრძნობენ ისინი-მათი შეგრძნებები ხომ ძალიან ფაქიზია და მდიდარი...

### რა უნდა ვიცოდეთ კლიმატის ცვლილებაზე

მმ.7



## ახალი პროექტი წყლის ბრაზიკს წარსულში დატოვებს



როგორც გამგეობაში ამბობენ, ქალაქ დედოფლისწყაროში წყლის დებეტის გასაზრდელად გაერთიანებული წყალმომარაგების კომპანია 900 000 ლარამდე დახარჯავს.

ნიკოლოზ ჯანაშვილი: „შედეგად კი მივიღებთ ალტერნატიულ წყაროს, საიდანაც მარაგი გადაიტუმბება ცენტრალურ რეზერვუარში და კრიზისულ პერიოდებში ვითარების გაუმჯობესების შესაძლებლობა იქნება. ვფიქრობთ, მოსახლეობას 24 საათიანი წყალმომარაგება ექნება. პროექტის ბიუჯეტი 820 000 ლარია, მართალია თანხის მოცულობა ძალიან დიდია, მაგრამ მიმაჩნია, რომ პრობლემაც საკმაოდ სერიოზულია. ექსპერტიზის დასკვნაში წერია, რომ მოსალოდნელია წამში 10 ლიტრი წყალი მივიღოთ, რაც ჩვენს წყალმომარაგებას გააუმჯობესებს.“

### გზა, რომელიც დაძლეულია...

მმ.2



ეს ის გზაა, რომელიც უსინათლო მხოლოდ ხელჩაკიდებულმა უნდა დაძლიოს. ელიის მთას ისინი სხვისი თვალით და საკუთარი შეგრძნებებით აუყვანენ.

### გამოინერეთ გაზეთი „შირაქი“

2016 წლისთვის გაზეთ „შირაქის“ პერიოდულობა კვლავ ყოველკვირეული იქნება, რვაგვერდიანი და ფერადი. გამოწერის ღირებულება მთელი წლით 15 ლარი ელირება, 6 თვით - 7,50 ლარი. გამოინერეთ გაზეთი „შირაქი“ – შიტიყატი ყველაფერი დედოფლისწყაროში მიმდინარე მოვლენების შესახებ.

3 დეკემბერი შეზღუდული შესაძლებლობების მქონე პირთა საერთაშორისო დღეა. ეს დღე მიზნად ისახავს ხელი შეუწყოს მათ ადაპტირებასა და ჩართულობას საზოგადოებრივ ცხოვრებაში, იძლევა შესაძლებლობას, მოვახდინოთ მობილიზაცია შეზღუდული შესაძლებლობების პირთა ღირსების, უფლებებისა და კეთილდღეობის უზრუნველსაყოფად.

# სამყაროს შავ-თეთრი ფერები

## „შეუმღებელი არაფერია“...



შავ-თეთრ ფერებში გადაწყვეტილი ნახატები, განსხვავებული ფორმა, ხელწერა – ეს ყველაფერი ერთი შეხედვითაც მიგახვედრებთ, რომ საქმე არაორდინალურ შემთხვევასთან გაქვთ. 2 დეკემბერს უპრეცედენტო გამოფენის მომსწრე გახდა დედოფლისწყაროს მხარეთმცოდნეობის მუზეუმი და იქ მისული საზოგადოება-ქ. თბილისის უსინათლოთა სკოლა-პანსიონის აღსაზრდელების ნახატებმა აქ დღის სინათლე კიდევ ერთხელ იხილეს.

ლონისძიება სახელწოდებით, „შეუმღებელი არაფერია“ შეზღუდული შესაძლებლობის მქონე პირთა საერთაშორისო დღეს მიეძღვნა, რომელსაც მსოფლიო ყოველი წლის 3 დეკემბერს აღნიშნავენ. მათი ხელოვნება ადვილად გასაგებია, მათი აბსტრაქციები ნამდვილად აბსტრაქტული არასოდეს არ არის და მათში ბუნება - ყვავილები, ქარი, ზღვა და მზე - ყოველთვის ჩანს. თუმცა, ადვილი არაა მათთვის მხატვრობა და მათთან ერთად იმ ადამიანისთვის, რომელიც ცდილობს, მათ ხელოვნების ეს დარგი მეტად შეაყვაროს...

პროექტის „უსინათლო და მცირემხედველთა შემოქმედება“ ავტორია მხატვარი გიორგი გურასპაშვილი. პროექტის მიზანია შეზღუ-

დული შესაძლებლობის მქონე უსინათლოთა ინტეგრაციის ხელშეწყობა, მათი ნიჭის პოპულარიზაცია, საზოგადოების ინფორმირება, რომ შეზღუდული შესაძლებლობები არ არსებობს. საინტერესოა, რა შემთხვევამ გაუჩინა მხატვარს შეზღუდული შესაძლებლობების მქონე ადამიანებთან ურთიერთობის სურვილი?

როგორც თავად გიორგი ამბობს, ამ გადაწყვეტილებამდე ერთმა შემთხვევამ მიიყვანა:

მისი მეგობარი, რომელსაც დიდი სურვილი ჰქონდა ხატვის, დაბრმავდა. მან მოიგონა ასეთი ექსპერიმენტი. თვითონ პლასტიკურ ფურცლებს კანრავდა, მისი მეგობარი ხელით გრძნობდა ხაზს, მერე ადებდა ფურცელს და ხელითვე ბეჭდავდა. ეს იყო შემოქმედებითი ბეჭდვა და სწორედ ამან გადაწყვეტინა გიორგი გურასპაშვილს, მისულიყო უსინათლო ბავშვებთან და ესწავლებინა მათთვის ხატვა. დღეს მისთვის უკვე წარმოუდგენელია ცხოვრება ამ ბავშვების გარეშე, რადგან მისი მიზანია, უფრო ახლოს მივიდეს მათთან და დაინახოს, თუ რას გრძნობენ ისინი-მათი შეგრძნებები ხომ ძალიან ფაქიზია და მდიდარი...

„მე აკადემიაში ვმუშაობდი, 15 წელი ვასწავლიდი ხატვას. ჩემი სტუდენტი, რომელიც ამავდროულად ჩემი მეგობარიც

იყო, დაბრმავდა. დავინყე ფიქრი, თუ რა უნდა გამეკეთებინა იმისათვის, რომ გაგვეგრძელებინა ხატვა და მივიღე არაჩვეულებრივი რეზულტატი-ეს ექსპერიმენტის სახეს ატარებდა, რომლის წარმატებაშიც მე დარწმუნებული ვიყავი. პრინციპში ეს არის მეცნიერული მიდგომა, რადგან მეცნიერება არსებობს ნახატშიც...“

შემდეგ მე დავინყე მუშაობა ქ. თბილისის N22 სკოლაში, უსინათლოთა სკოლაში. ერთი წლის მანძილზე ვმუშაობდი აქ, ვახატინებდი ბავშვებს, შემდეგ კი ეს კოლექცია ვაჩუქე სკოლას. ვფიქრობ, ეს კოლექცია ყველამ უნდა ნახოს. რადგან ერთმანეთის მხარში დგომით თუ შევძლებთ ყველა პრობლემის დაძლევას.

2 წელი ვმუშაობდი ამ ადამიანებთან, მერე დამპატიჟეს ისრაელში, იქ ვნახე უსინათლო მხატვართა გამოფენა, დავინტერესდი აგრეთვე, თუ რა ურთიერთობა აქვს ხილულ ადამიანებს უსინათლოებთან. ევროპა დაინტერესდა ამ პროექტით, მაგრამ მინდა, რომ საქართველოში დაბადებული პროექტი აქვე დარჩეს“.

გამოფენაზე წარმოდგენილი იყო აგრეთვე გიორგი გურასპაშვილისა და მისი შვილის ნახატები, რომლებმაც დამთვალა იერებელთა დიდი მონონება

დაიმსახურა. გამოფენას საზოგადოების წარმომადგენლებთან ერთად ადგილობრივი ხელისუფლების ხელმძღვანელი პირებიც ესწრებოდნენ.

მხარეთმცოდნეობის მუზეუმის ხელმძღვანელმა ლალი გურასპაშვილმა დამსწრე საზოგადოებას გააცნო მხატვარ გიორგი გურასპაშვილის მოკლე ბიოგრაფია და დასძინა, რომ გამოფენა გაგრძელდება ერთი კვირის განმავლობაში და ნებისმიერ მსურველს შესაძლებლობა ექნება, ენვიოს მას.

...კიდევ ერთხელ ვათვალიე-

ინგა შიოლაშვილი



# გზა, რომელიც დაძლეულია...

ეს ის გზაა, რომელიც უსინათლომ მხოლოდ ხელჩაკიდებულმა უნდა დაძლიოს. ელიის მთას ისინი სხვისი თვალით და საკუთარი შეგრძნებებით აუყვანენ. სავალი გზა 3 დეკემბერს

გაუარესებულმა ამინდმა გაართულა, თუმცა მიზნის მიღწევაზე უარი ვერც ორგანიზატორებს და ვერც ექსპედიციის მონაწილეებს ათქმევინა. ამ დღეს ელიისკენ მიმავალი გზა ათმა უსინათ-

ლომ 5 ხილული მთამსვლელის თანხლებით დაძლია.

დავით ყვირილიანი, უსინათლო მთამსვლელი: „შეზღუდული შესაძლებლობები არ არსებობს და ჩვენ ეს დღეს კიდევ ერთხელ დავამტკიცეთ“.

ნანა ბრეზვაძე, აქციის ორგანიზატორი: „მიუხედავად გაუარესებული ამინდისა, ჩვენ ერთად შევძელით, რომ ეს გზა დაგვეძლია და კიდევ ერთხელ თამამად გვეთქვა, რომ არ არსებობს შეძლეული შესაძლებლობები და ერთად ყველაფერს დავეძლეოთ“.

შემდეგ აქციის მონაწილეებმა მოინახულეს აგვისტოს ომში გამირულად დაღუპუ-

ლი გმირის-გიორგი აბიათარის საფლავი და პატივი მიაგეს მის სსოვნას. დღის ბოლოს კი გოდერძი გონაშვილის ღვინის მარანს ესტუმრნენ და თონეში პურის ჩაკვრისა და ჩურჩხელის ამოვლებს შემდეგ ქართულს უფრას მიუსხდნენ, რომელიც კახური მრავალჟამიერით გაიხსნა.

ჩვენ ვანგრევთ სტერეოტიპებს, ვმლოთ ზღვარს და ვამტკიცებთ, რომ არ არსებობს შეზღუდული შესაძლებლობები-ასე

უღერდა იმ დღის სლოგანი, რომელმაც გაამართლა. ორგანიზატორი გახლდათ ტურისტული ორგანიზაცია Effect Tour Georgia.

ინგა შიოლაშვილი



# ახალი პროექტი წლის ბრაფიკს წარსულში დაბრუნებს

დედოფლისწყაროს გამგებელი ირნეზუნიძე, რომ ზაფხულში დედოფლისწყაროს წყალმომარაგებაზე გრაფიკის დაწესების აუცილებლობა აღარ იქნება... ბოლო ორი წელია, ზაფხულის განმავლობაში დეებეტის უკმარისობის გამო წყალი მნიშვნელოვანი ხარვეზებით მიეწოდებოდა ქალაქ დედოფლისწყაროს, სამრეკლოსა და ხორნაბუჯს. რთული ვითარების გამო წინასწარ დადგენილი გრაფიკი ხშირად ირღვეოდა.

როგორც გამგეობაში ამბობენ, ქალაქ დედოფლისწყაროში წლის დებეტის გასაზრდელად გაერთიანებული წყალმომარაგების კომპანია 900 000 ლარამდე დახარჯავს. შედეგად კი ახალი ჭაბურღილები გაიჭრება და დედოფლისწყაროს ცენტრალურ რეზერვუარში წყლის დებეტის ზრდა მოხდება. ეს კი ქალაქ დედოფლისწყაროს და მეზობელი ორი სოფლის მოსახლეობას საშუალებას მისცემს, ზაფხულის ცხელ დღეებში წყალი გრაფიკის გარეშე, ყოველდღიურად მიიღოს.

ველოგებმა ახალი ბურღებისთვის წერილები ჯერ კიდევ ორი წლის წინ შეარჩიეს, თუმცა, დებეტის გასაზრდე-

ლად ჭაბურღილების გათხრა ვერც გასულ წელს მოხერხდა. ხელისუფლება ამბობდა, რომ მზაობა იყო, თუმცა საჭირო ფინანსები წყალმომარაგების კომპანიამ ვერ გამოიხატა.

როდის დაიწყება სამუშაოები, ვინ გამოყოფს ძვირადღირებული პროექტისთვის საჭირო მილიონამდე ლარს, რა ვადაში გამოცხადდება ტენდერი და მოესწრება თუ არა შედეგის მიღება მომავალი ზაფხულისთვის ამ კითხვებით „შირაქმა“ დედოფლისწყაროს გამგებელს მიმართა.

**ნიკოლოზ ჯანიშვილი:** „ბოლო ორი წელია, დიდი გვალვების გამო ზაფხულის განმავლობაში რეზერვუარში წყლის დებეტი მკიდრდებოდა, მოხმარება კი იზრდებოდა, იძულებული ვხდებოდით გრაფიკზე გადავსულიყავით. ამ პროექტის განხორციელებით

კი ეს პრობლემა დარეგულირდება. ამ დღეებში გამგეობაში უკვე შემოვიდა გაერთიანებული წყალმომარაგების კომპანიის ოფიციალური წერილი, რომელსაც თან ერთვის ამ სამუშაოების პროექტი. კომპანია თვითმმართველობის ორგანოდან ითხოვს ნებართვას, რომ

საიდანაც მარაგი გადაიტუმბება ცენტრალურ რეზერვუარში და კრიზისულ პერიოდებში ვითარების გაუმჯობესების შესაძლებლობა იქნება. ვფიქრობთ, მოსახლეობას 24 საათიანი წყალმომარაგება ექნება. პროექტის ბიუჯეტი 820 000 ლარია, მართალია თანხის მოცულობა ძალიან დიდია, მაგრამ მიმაჩნია, რომ პრობლემაც საკმაოდ სერიოზულია. ექსპერტიზის დასკვნაში წერია, რომ მოსალოდნელია წამში 10 ლიტრი წყალი მივიღოთ, რაც ჩვენს წყალმომარაგებას გააუმჯობესებს.

**- კონკრეტულად ვინ ახორციელებს ამ პროექტს და რა ფინანსური სახსრებით?**

- პროექტს თავად გაერთიანებული წყალმომარაგების კომპანია განხორციელებს, რადგანაც, როგორც იცით, ის ოპერირებს დედოფლისწყაროში და სახელმწიფო დაფინანსებით მოახდენს დებეტის გასაზრდელად ახალი ჭაბურღილების გაჭრას.

**- ახალი ჭაბურღილებისთვის წერილები გეოლოგებმა ჯერ კიდევ 2014 წლის ზაფხულში შეარჩიეს, ამჯერად რა ვადაში ვარაუდობთ სამუშაოების დაწყება-დასრულებას, მომავალი წლის ზაფხულისთვის რამდენად მოესწრება შედეგის დადება?**

- ჩვენი მხრიდან ნებართვა ოპერატიულად, უახლოეს დღეებში გაიცემა. ვფიქრობ, დეკემბრის ბოლომდე ტენდერის დასრულება მოესწრება და სამუშაოების მხარმოებელი კომპანიის ვინაობა უკვე გარკვეული იქნება. ვვარაუდობთ, რომ მომავალი წლის პირველივე თვეებში სამუშაოების დაწყება უნდა მოხერხდეს. მნიშვნელოვანი ისაა, რომ ეს პროექტი რამდენიმე თვის განმავლობაში არსებობდა, წყალმომარაგების კომპანიამ უკვე მოიძია შესაბამისი საჭირო თანხები და ქმედითი ნაბიჯები გადაიდგა, რომ გეგმები რეალობად იქცეს“.



მოცულობა ძალიან დიდია, მაგრამ მიმაჩნია, რომ პრობლემაც საკმაოდ სერიოზულია. ექსპერტიზის დასკვნაში წერია, რომ მოსალოდნელია წამში 10 ლიტრი წყალი მივიღოთ, რაც ჩვენს წყალმომარაგებას გააუმჯობესებს.

ილია მარტყოფლიშვილი

## ადგილობრივი მოსაკრებლების ტარიფები შეიცვალა

2015 წლის 30 ნოემბრის სხდომაზე დედოფლისწყაროს მუნიციპალიტეტის საკრებულომ დაამტკიცა ადგილობრივი მოსაკრებლების ოდენობა, რომლის შესაბამისადაც:

**მშენებლობის ნებართვისათვის (გარდა განსაკუთრებული მნიშვნელობის რადაციული ან ბირთვული ობიექტის მშენებლობის) მოსაკრებლის ოდენობა განისაზღვრა:**

ახლავე ასაშენებელი ობიექტის პროექტით გათვალისწინებულ განაშენიანების ფართობის 1მ<sup>2</sup> -ზე - 1.0 ლარის ოდენობით;

სტიქიური უბედურების შედეგად დაზიანებული ობიექტის მშენებლობისათვის 1მ<sup>2</sup> ზე - 0,30 ლარის ოდენობით.

მშენებლობის ნებართვისათვის მოსაკრებლის გადახდელია დედოფლისწყაროს მუნიციპალიტეტის ტერიტორიაზე მშენებარე ობიექტის მესაკუთრე ფიზიკური ან იურიდიული პირი.

მშენებლობის ნებართვისათვის მოსაკრებელი გადახდელია ნება წინასწარ, აღმასრულებელი ორგანოს მიერ გადახდელისათვის კანონით განსაზღვრული საქმიანობის განხორციელების-მშენებლობის ნებართვის მიცემამდე.

მშენებლობის (გარდა განსაკუთრებული მნიშვნელობის რადაციული ან ბირთვული ობიექტების მშენებლობისა) სა-ნებართვო პირობების შესრულების დადასტურების (ექსპლოატაციაში მიღების) თაობაზე აქტის გამოცემის (მასში ცვლილების შეტანის) დაჩქარებული მომსახურების მოსაკრებლის ოდენობა განისაზღვრა:

II და III კლასის შენობა-ნაგებობის შემთხვევაში: განცხადების წარდგენიდან სამ სამუშაო დღეში - 500 (ხუთასი) ლარი; განცხადების წარდგენიდან ხუთ სამუშაო დღეში -300 (სამასი) ლარი;

განცხადების წარდგენიდან შედ სამუშაო დღეში -200 (ორასი) ლარი;

IV კლასის შენობა-ნაგებობის შემთხვევაში: განცხადების წარდგენიდან

სამ სამუშაო დღეში - 1000 (ერთი ათასი) ლარი; განცხადების წარდგენიდან ხუთ სამუშაო დღეში - 500 (ხუთასი) ლარი.

**დასახლებული ტერიტორიის დასუფთავებისთვის მოსაკრებლის ოდენობა თვეში ერთ სულ მოსახლეზე განისაზღვრა:**

ქალაქ დედოფლისწყაროს, სოფელ ხორნაბუჯისა და სოფელ სამრეკლოს მოსახლეობისათვის - 0,50 ლარის ოდენობით. ხოლო სოფლების: ზემო მაჩხაანის, მირზაანის, არბოშის, ოხანის, გამარჯვების, თავწყაროს, ჭოეთის, ზემო ქედის, არხილოსკალოს, ქვემო ქედის, სამთაწყაროს, ფიროსმანისა და საბათლოს მოსახლეობისათვის - 0,30 ლარის ოდენობით. იურიდიული პირების, ორგანიზაციების და დანესუფთავებისათვის დედოფლისწყაროს მუნიციპალიტეტის ტერიტორიაზე - 15 ლარის ოდენობით ერთ კუბურ მეტრ ნარჩენზე.

**სათამაშო ბიზნესის მოსაკრებლის ოდენობა განისაზღვრა:** სამორინეს თითოეულ სათამაშო მაგიდაზე - კვარტალში 20 000 ლარის ოდენობით; თითოეულ სათამაშო აპარატზე - კვარტალში 2 000 ლარის ოდენობით; თითოეულ ნამახალისებელ გათამაშებაზე - საპროზო ფონდის 10%-ის ოდენობით;

სისტემურ-ელექტრონული ფორმით მოწყობილ სათამაშოზე კვარტალში 35 000 ლარის ოდენობით;

ელატარიების მოწყობაზე—ლატარიის ბილეთების რეალიზაციიდან მიღებული ამონაგების 20%-ის ოდენობით;

აზარტულიან/და მომგებიანი თამაშობის მოწყობის ნებართვით ორგანიზებული ობიექტის გარეთ განთავსებული, სისტემურ-ელექტრონული ფორმით მოწყობილი აზარტული ან/და მომგებიანი თამაშების თითოეულ სალაროზე - კვარტალში 5 000 ლარის ოდენობით; თითოეულ კლუბის მაგიდაზე - კვარტალში 3 000 ლარის ოდენობით.

**შეღვათები ადგილობრივი მო-**

**საკრებლების გადახდაზე:**

მშენებლობის ნებართვის მოსაკრებელზე 50%-იანი შეღავათი დაწესდა მეორე მსოფლიო ომის მონაწილეებზე, მათთან გათანაბრებულ პირებზე, საქართველოს ტერიტორიული მთლიანობისათვის ოჯახებსა და ტერიტორიული მთლიანობისათვის მებრძოლებზე.

ასევე, მოსაკრებელი გაიანგარიშება მოსახლეობისათვის - სულადობის მიხედვით, მაგრამ ოჯახის წევრთა რაოდენობის მიუხედავად. დასახლებული ტერიტორიის დასუფთავებისათვის დაწესებულ მოსაკრებელზე სულადობის მაქსიმალური ზღვრული ოდენობა განისაზღვრა 4 სულთით.

მესაკუთრე ფიზიკური პირი (გარდა მენარმე ფიზიკური პირისა), რომლის საკუთრებაშიც წარმოიქმნება ნარჩენი, ვალდებულია წარმოემქმნელთა რაოდენობის ცვლილების შესახებ 30 დღის განმავლობაში აცნობოს მოსაკრებლების გადახდებზე პასუხისმგებელ სამსახურს.

**მოსაკრებლებისგან თავისუფლებიან:**

მოსაკრებლის გადახდის ვალდებულებისაგან გათავისუფლებულია ის მოსახლე, რომელიც ცხოვრობს სასტუმროს ტიპის საცხოვრებელში, იმ შემთხვევაში თუ ეს უკანასკნელი თვითონ სარგებლობს შესაბამისი მომსახურებით.

დასახლებული ტერიტორიის დასუფთავებისათვის მოსაკრებელი არ დაერიცხებათ იმ ოჯახებს (ფიზიკურ პირებს), რომლებიც რეგისტრირებულია სოციალურად დაუცველი ოჯახების მონაცემთა ერთიან ბაზაში და მათი სარეიტინგო ქულა არ აღემატება ფულადი სოციალური დახმარებისათვის კანონით დადგენილ ოდენობას (სარეიტინგო ქულის არსებობის შემთხვევაში).

**მოსაკრებელი გადახდებიან ყოველი თვის ბოლო კალენდარული დღის მეორე დღიდან 20 დღის განმავლობაში.**

## კონკურსის მეორე ეტაპის შედეგები ცნობილია

როგორც გაზეთის წინა ნომერში ვწერდით, დედოფლისწყაროს მუნიციპალიტეტის გამგეობამ 8 ვაკანტურ პოზიციაზე კონკურსი გამოაცხადა. 30 ნოემბერს ჩატარდა საატესტაციო კომისიის სხდომა, რომელზეც მოხდა შემოსული განაცხადების განხილვა-გადარჩევა. კომისიის ინფორმაციით, სულ შემოსული იყო 37 კონკურსანტის 53 განაცხადი(თითოეულს შეეძლო რამდენიმე ვაკანსიაზე განაცხადის შემოტანა). კომისიის გადაწყვეტილებით, 5 კონკურსანტს უარი ეთქვა დამატებითი საკვალიფიკაციო მოთხოვნებით გათვალისწინებული დოკუმენტაციის წარმოდგენლობის გამო.

ტესტირების მეორე ეტაპზე გადავიდა 32 კონკურსანტი. ხუთ მათგანს უკვე ჩაბარებული აქვს ტესტირება და ცნობა მიღებული ქულების რაოდენობის შესახებ - წარმოდგენილია.

ტესტირების მეორე ეტაპი 3 დეკემბერს ჩატარდა. ვინ გადალახა მეორე ეტაპი და ვინ გაივლის გასაუბრებას, შედეგი უახლოეს მომავალში გაირკვევა.

მისი განხორციელება დაიწყო. ამავე დღეებში ნებართვას გაცემით, შემდეგ კომპანია შესაბამისი პროცედურების დაცვით ტენდერს გამოაცხადებს და პრაქტიკულ სამუშაოებს შეუდგება. შედეგად კი მივიღებთ ალტერნატიულ წყაროს,

## სასწავლო პროცესი აღდგა



ზემო მაჩხაანის საჯარო სკოლის მეხუთე-მეექვსე კლასების მოსწავლეებმა სოფლის კულტურის სახლში სწავლა 30 ნოემბერს დაიწყეს. შენობის სარემონტო სამუშაოები უკვე დასრულდა.

დღესვე, მუნიციპალიტეტის საკრებულოს თავმჯდომარემ ზვიად ჯავახიშვილმა და გამგებელმა ნიკოლოზ ჯანიშვილმა საკრებულოს წევრებთან ერთად დასრულებული სამუშაოები დაათვალიერეს და სასწავლო პროცესს გაეცნენ. მუნიციპალიტეტის პირველმა პირებმა არსებული პრობლემების შესახებ ინფორმაცია უშუალოდ სკოლის პედაგოგებისგან მოისმინეს და მხარდაჭერა აღუთქვეს.

დედოფლისწყაროს მუნიციპალიტეტის საკრებულომ „მუნიციპალიტეტის გამგებლისათვის სოფელ ზემო მაჩხაანის კულტურის სახლში ა 126,3 კვ.მ. ფართის საქართველოს განათლებისა და მეცნიერების სამინისტროსთვის უსასყიდლო სარგებლობის უფლებით გადაცემაზე თანხმობის მიცემის შესახებ განკარგულება 16 ოქტომბრის სხდომაზე მიიღო.

სოფლის საჯარო სკოლაში გაჩენილმა ხანძარმა სკოლის ერთი ფლიგელი სრულად გაანადგურა. კულტურის სახლის პარალელურად, სასწავლო პროცესი სკოლის გადარჩენილ ნაწილშიც გაგრძელდება.

სამორინეს თითოეულ სათამაშო მაგიდაზე - კვარტალში 20 000 ლარის ოდენობით; თითოეულ სათამაშო აპარატზე - კვარტალში 2 000 ლარის ოდენობით; თითოეულ ნამახალისებელ გათამაშებაზე - საპროზო ფონდის 10%-ის ოდენობით;

სისტემურ-ელექტრონული ფორმით მოწყობილ სათამაშოზე კვარტალში 35 000 ლარის ოდენობით;

ელატარიების მოწყობაზე—ლატარიის ბილეთების რეალიზაციიდან მიღებული ამონაგების 20%-ის ოდენობით;

აზარტულიან/და მომგებიანი თამაშობის მოწყობის ნებართვით ორგანიზებული ობიექტის გარეთ განთავსებული, სისტემურ-ელექტრონული ფორმით მოწყობილი აზარტული ან/და მომგებიანი თამაშების თითოეულ სალაროზე - კვარტალში 5 000 ლარის ოდენობით; თითოეულ კლუბის მაგიდაზე - კვარტალში 3 000 ლარის ოდენობით.

**შეღვათები ადგილობრივი მო-**

# ახლა კი მშვიდად დამეძინება

დიახ, ნამდვილად მშვიდად დამეძინება, რადგან ვიცი, რომ ის საიმედო ხელს ჩავაბარე, ვიცი, არ მომივდება, არ შესცივდება და, რაც მთავარია, მის გარშემო იქნებიან თბილი და მზრუნველი ადამიანები. მისთვის ხომ ყველაზე მნიშვნელოვანი ადამიანია, არასოდეს უხარბია ქონების შექმნასა და დიდებაზე. მთელი ცხოვრება სხვებზე ზრუნვაში გაატარა. 92 წლისაა და ადამიანების სიყვარულით ვერ ას-



ილია დავითაშვილი და თინა ჯავახიანი

რულდა. მისთვის ყველაზე დიდი სასჯელი სწორედ ის სიმარტოვე იყო, რომელიც მას ბედისწერამ არგუნა. არ თხოულობდა საჭმელ-სასმელს, სულ იმას ივედებოდა, მოდით, მნახეთ, რომ მოგეფეროთო. მთელი დღე ტელეფონი ეჭირა ხელში და მთელ ქალაქს ეხმინებოდა, მოიკითხავდა, მიეღობოდა, დალოცავდა. ხან დღეში ორჯერ დამირეკავდა: - მიყვარხარ, მიყვარხარ, რომ მაქვს სიყვარულის უფლებაო. და მე არ ვიყავ გამოწვევის, მისი გული უამრავი ადამიანის სიყვარულს იტევს. სიკეთით სავსე იყო მის მიერ განვლილი ცხოვრების გზა, მიუხედავად იმისა, რომ უამრავი ტკივილი შეხვდა. მეშვიდე შვილი იყო თავის მშობლების, მის გულზე გადაიარა და-ძმების, დისშვილების, ძმისშვილების სიკვდილი. არც მეუღლის მხრიდან დააკლდა ტრადიციები და მიუხედავად ამისა, არ დაბოლოდა, არ გაბოროტებულა. საკუთარი შვილი არ შეარჩინა ბუნებამ, მაგრამ დედობრივი მზრუნველობით გაზარდა დისშვილები და მათი შვილები, მახლიშვილები. ისინი სტუმრად კი არ მოდიოდნენ მასთან, არამედ წლობით ცხოვრობდნენ, აქ დადიოდნენ საბავშვო ბაღს თუ სკოლაში. დააფრთხილებდა ერთს, გზაზე დააყენებდა და ახლა სხვისი ჯერი მოვიდოდა. ბავშვის და მოზარდის გარეშე არ უცხოვრია. 68 წლის ასაკში დატოვა სამსახური, რადგან ერთდროულად 3 ცელქი ბიჭი იზრებოდა მის ოჯახში, რომლებიც ჯერ მხოლოდ დაწყებითი კლასებში სწავლობდნენ.

სული ნუ დაგვალევიყო, იტყვი, ჩემო ძვირფასო მკითხველო, თქვი, ვისზე საუბრობო. ზოგიერთი თქვენგანი შეიძლება მიხარული და არტისტული იყო და ამიტომ, პარტიის დავალებით, კულტურის სახლის დირექტორად დაინიშნა. მერე სოციალური სამსახურის თანამშრომელი იყო, ბოლო 25 წელი კი გაზეთ „შირაქის“ რედაქციის მშრომელთა წერილების განყოფილების გამგე გახლდათ და... მთელი რაიონის დედა და მამია. ყველას უანგაროდ ხელის გამმართველი, სიმართლისა და სამართლიანობისთვის შეუპოვარი

მებრძოლი. რაიონის მოსახლეობის თვალში ის დარჩა ომხიანი, ვაჟკაცი ქალის სახედ და, ვინც იცნობდა, ალბათ, ვერც წარმოუდგენია თინა ფავლენიშვილის დღევანდელი. დრომ თავისი გაიტანა, ის დაუძლურდა, გარშემო შემოეცალნენ თანატოლები და ახლო ნათესავები. დარჩა მარტო. გაუსაძლისი გახდა მისი ყოფა. ვისაც როგორ შეეძლო, შორიდან ისე პატრონობდა, აწვდიდა საჭმელს, მაგრამ მისი მარტო ყოფნა უკვე აღარ შეიძლებოდა. ვეღარ მოძრაობდა, თავს ვეღარ უფლიდა, მასთან სისტემატურად დარჩენა და დღედაღამ პატრონობის საშუალება კი არავის ჰქონდა. რამდემჯერმე დაკარგა გონი და, რომ არა შემთხვევითობა, მისი სიცოცხლე ბუნებზე ეკიდა. თბებოდა ღია ელექტრო გამათბობელით, რაც ძალიან საშიში იყო ხანძრის გაჩენის თვალსაზრისით, ყველა, ყოფილი თანამშრომლებიც და ნათესავებიც, მის გამო ძალიან ვნებდნენ. და აი, ერთხელ, სასწრაფო დახმარების მორიგი გამოძახების დროს, ექიმმა ნანა ყარაღაშვილმა ნახა ის. ქალბატონ ნანას ძირითადი საცხოვრებელი წნორში აქვს. ამიტომ მან მომანოდა ინფორმაცია წნორში მოხუცთა პანსიონატის არსებობის შესახებ. ვიმსჯელებთ სამსახურში, ნათესავებთან და გადავწყვიტეთ მისი წნორში წაყვანა. პატარა ქალაქი დედოფლისწყარო, კატას რომ კუდი გადაუბრუნდეს, ყველამ იცის. თინას ამბავიც გავრცელდა. აზრი ორად გაიყო. ვინღა არ მირეკავდა. ზოგი მლოცავდა, რა კარგად მოგიფიქრებიაო, ზოგს კი ჩვენი გადაწყვეტილება არ მოსწონდა: - ორი პარასკევი დარჩენია, თავის სახლში იყო. თუმცა, არავინ იცის, ვის რამდენი პარასკევი დარჩა. როგორც მისი ექიმი ქეთევან შანშიაშვილი განმარტავს, თინას სიცოცხლესთან შეუთავსებელი არცერთი დაავადება არ აღენიშნება. ის, უბრალოდ, სიბერისაგან არის დაუძლურებული და არ არის გამორიცხული, წლები იცოცხლოს.

სო. ზოგი გეთავაზობდა, მომეღებო აუყვანეთო. ეს ზოგადი ფრაზაა. მოდით, დავითვალოთ: სადღელამისო მომეღებო თვეში 400 ლარზე ნაკლებად არ იმუშავებს. ამ ხარჯს უნდა დაეუმატოთ ორი ადამიანის კვების, გათბობის, საყოფაცხოვრებო და საგადასახადო ხარჯები, რაც 600-700 ლარს სცილდება. ამიტომ დავინყე საბუთების შეგროვება და ჩვენმა სოციალურმა სამსახურმა მას გაუწია რეკომენდაცია წნორის მოხუცთა პანსიონატ „ბეთელში“ (რაც ითარგმნება როგორც „ღვთის სახლი“) გაგზავნის თაობაზე. ვიდრე სოციალური დახმარების სააგენტოს პასუხი მოვა, თინას გაზრდილმა დისშვილიშვილმა აკაკი ინაშვილმა გამოიჩინა კეთილი ნება და ოცი დღის გადასახადი შეიტანა, რამაც მისი წინსწრებით წაყვანის საშუალება მოგვცა. მისმა ნათესავებმა პაატა და პელიკო ფავლენიშვილებმა მოაწესრიგეს და მოამზადეს ის წასაყვანად, როგორც ფიზიკურად, ასევე მორალურად. ოთხშაბათს, 2 დეკემბერს, ჩვენ თინა საიმედო ადგილზე დავაბინავეთ. დღეს ხუთშაბათია, 3 დეკემბერი, როცა ამ წერილს ვწერ, გარეთ ხვარეილად თოვს. მე კი აღარ მედარდება, რომ მას შესცივდება ან მომივდება.

გვინდა, გაგაცნოთ ის გარემო, სადაც ქალბატონი თინა იმყოფება. ვესაუბრებით სათემო ორგანიზაცია „ბეთელის“ მენეჯერს ილია დემეტრაშვილს. ბატონი ილია



ალმოვანინეთ ჩვენი მუნიციპალიტეტის სოფელ ჭოეთის მკვიდრი, რომელიც უკვე მეორე წელია, აქ ცხოვრობს, არ ჰყავს ოჯახის სხვა წევრები, ახლობლები და ძალიან კმაყოფილია მომსახურებით. მადლიერებას გამოთქვამს თითოეული მათგანი, როგორც საცხოვრებელი პირობების, კვების, ასევე მომსახურე პერსონალის მიმართ. ეს სიამოვნება კი თითოეულ მათგანს დღეში 16 ლარი უჯდება, რაც თვეში 480-496 ლარს შეადგენს. თუ გავითვალისწინებთ ჩვენს მიერ ზემოთ ნახსენებ სადღელამისო ხარჯებს, რომელიც თვეში 600-700 ლარი უჯდება ერთი მოხუცის შენახვისთვის მეპატრონეს, დაინახავთ, რომ პანსიონატში ცხოვრება სულაც არ არის ძვირი, მით უმეტეს, იმ შემთხვევაში, თუ იმ 496 ლარის 70%-ს სოციალური სამსახური ავინაზლავს და შენ მხოლოდ 30%-ის დაფარვა მოგიწევს, რაც, ძირითადად, პენსიიდან

თავადაც და ორგანიზაციის თავჯდომარე გია მოსულიშვილიც ექიმები არიან. სწორედ მათ გადაწყვიტეს, გაეხსნათ პანსიონატი, დახმარებდნენ ხანდაზმულ ადამიანებს და აგერ ორ წელზე მეტია, ამ საქმეს წარმატებით ართმევენ თავს.

- ამჯერად 17 ბენეფიციარი გვყავს. 6-7 ბენეფიციარის მიღება კიდევ შეგვიძლია. არიან ქალებიც და მამაკაცებიც. ერთი ცოლ-ქმარიც გვყავს. გვაქვს ორ, სამ და ოთხსაწლიანი ოთახები, ვისაც როგორ სურს, იმის მიხედვით ვანაწილებთ. კვება სამჯერადია. მენიუში შედის კვირაში ორჯერ ძროხის ხორცის წვნიანი, ქათმის ბულიონი, თევზი, ლობიო, ბურღულეული, რძის პროდუქტები და ტკბილეულიც. პირველად სამედიცინო მომსახურებას ადგილზე ვუწვევთ. მათ ოჯახის ექიმი ელიზა ხელაშვილი ემსახურებათ. მომვლელი პერსონალიც სულ სამედიცინო განათლებითაა, ისე, რომ ამ თვალსაზრისით ძალიან კარგი მდგომარეობა გვაქვს. სტაციონარში მოთავსების აუცილებლობის შემთხვევაში, ვაფორმებთ ხელშეკრულებას სამედიცინო ცენტრ „არქიმედესთან“. ჩვენი ძალებით გადაგვყავს ავადმყოფი საავადმყოფოში, სათანადო მკურნალობის შემდეგ, გამოჯანმრთელებულს ვაბრუნებთ ჩვენთან. ხარჯები ამ მკურნალობისათვის იფარება საყოველთაო დაზღვევით. ამ პროექტის ფარგლებში ჩვენ რამდენიმე ბენეფიციარს, მხედველობის პრობლემის გამო, თვალის ოპერაციაც გავუკეთეთ. შენობაში შხაპი და სველი ნერტილები გამართულად ფუნქციონირებს. ვცდილობთ, სითბოთი და პატივისცემით მოვეპყრათ თითოეულ მათგანს, ისინი ხომ ისედაც სიმარტოვეს და უყურადღებობას „გამოექცნენ“ საკუთარი სახლებიდან. ამიტომ, ვცდილობთ, ეს დანაკლისი შეეფუფსოთ, - თქვა ჩვენთან საუბარში ბატონმა ილიამ.

ჩვენ გავესაუბრეთ პანსიონატის მკვიდრთ, რომელთა შორის ზოგი კასპიდანაა, ზოგი გორიდან, თბილისიდან, გურჯაანიდან და თვით წნორიდანაც. მათ შორის



(90 ლარის ოდენობით) უკავდებათ პენსიონერებს.

ჩვენი საზოგადოების დიდი ნაწილი ისევ ძველ მენტალიტეტშია ჩარჩენილი. მიაჩნიათ, რომ თავისი მოხუცი აუცილებლად სახლში უნდა ჰყავდეთ, ხშირ შემთხვევაში, უპატრონოდ, სიცხეშიც, სათანადო კვებით რაციონის გარეშეც, ხანდახან უპატივისცემლოდაც (შენ არავინ გეკითხება, შენი საქმე არ არის, ნეტავ გაჩუმდებოდე, რა სული ჩაგეკირა) და ხშირად ჩხუბისა და ოჯახური განხეთქილების მიზეზადაც. მოხუცთა თავშესაფარში წაყვანა კი ეთაკილება. არადა, იქნებ სჯობია, ხანდაზმულები ერთად, ერთნაირ გარემოში იყვნენ, ერთმანეთი გაამხნევეს, აზრი გაუზიარონ, ერთმანეთს თავისი ცხოვრების წარსული დღეების - სიხარულისა და ტკივილის შესახებ მოუთხრონ, თავის დროზე სადილი ჰქონდეთ, ექიმები და ექთნები მუდმივად მათ განკარგულებაში იყვნენ დღე და ღამე და ახლობლებიც, არა მოზეზრებულ-გალი-ზიანებულები, არამედ მონატრებულები მათ სანახავად და მოსაკითხად დადიოდნენ.

მე ასე ვფიქრობ და არა მგონია, ვცდებოდე. სწორედ ამიტომ ვითავე ჩემი ყოფილი თანამშრომლის, ჩემი უფროსი მეგობრის თინა ფავლენიშვილის მოხუცთა პანსიონატში დაბინავება მისივე კეთილდღეობისა და ჩემი სულის დასამშვიდებლად.

ნაირა გორაშვილი

**P.S. მართალია, გამომშვიდობებისას არ უნერვიულია და გაბრწყინებული თვალებით გამომაცვია, მაინც მთელი ღამე ვწერივოლოდი, ნეტავ როგორ არის -მეთქი. მეორე დღესვე, დილით ტელეფონით ვესაუბრე: როგორ ხარ, როგორ გეძინა წუხელ უცხო გარემოში-მეთქი, ვკითხე. ძალიან კარგად, უზომოდ კმაყოფილი ვარ, ღმერთმა გიშველოს ჩემი შველისთვისო, მითხრა. სინდისი უფრო დამიმშვიდდა და ჩემი განწყვეტილების სისწორეში ერთხელ კიდევ დავრწმუნდი.**



# დედოფლისწყაროს სპოტ-რაიონული ორგანიზაციის ხელმძღვანელად კვლავ მაყვალა მაქლარაშვილი აირჩიეს

20 წლის წინ, 1994 წელს იუნესკომ (UNESCO) შრომის საერთაშორისო ორგანიზაციასთან ერთად, პარიზში გამართულ სპეციალურ სამთავრობო-საერთაშორისო კონფერენციაზე 5 ოქტომბერი მასწავლებლის საერთაშორისო დღედ გამოაცხადა. მასწავლებლის საერთაშორისო დღის დანეშობიდან იუნესკოს პარტნიორები არიან: განათლების ინტერნაციონალი, იუნისეფი და გაეროს განვითარების პროგრამა. საქართველოში უკვე წლებია არსებობს საქართველოს პედაგოგთა და მეცნიერთა თავისუფალი პროფკავშირი, რომელიც სამართლიანობაზე, (სპმთპ) ის დემოკრატიულ პრინციპებზე, ხარისხიან განათლებაზე, პროფესიული განვითარების ხელშეწყობაზე ორიენტირებული ორგანიზაციაა, რომელსაც მისივე წევრები მართავენ.

პროფკავშირში გაერთიანებულ პედაგოგს აქვს პრივილეგია, უფასოდ გაეცნოს სამართლებრივი დახმარება დარღვეული უფლებების აღსადგენად; მიიღოს მაღალი რანგის ტრენინგებისგან უფასო სემინარები და პროფესიული თვალსაზრისით დაცულად იგრძნოს თავი. მონაწილეობა მიიღოს შეხვედრებში, რომელიც სამეცნიერო შეხვედრის გარდა, პედაგოგების გაცნობა-დაახლოებას ემსახურება.



შეგახსენებთ, რომ პედაგოგიურ კავშირს ჩვენს რაიონში ხელმძღვანელობს მრავალწლიანი პედაგოგიური გამოცდილების მქონე ქალბატონი მაყვალა მაქლარაშვილი. მისი მონევეთი გასულ კვირას გახეთი „შირაქი“ დაესწრო დედოფლისწყაროს პროფკავშირის რიგითი შეხვედრის, სადაც რაიონის და სოფლების სკოლის დირექტორები, ყველა სკოლის პროფკავშირის თავმჯდომარეები და პროფკავშირის წევრი პედაგოგები იყვნენ მონეველნი.

შეხვედრას უძღვებოდა თავად ქალბატონი მაყვალა მაქლარაშვილი. ყრილობაზე აირჩიეს პრეზიდიუმის წევრები, მის თავმჯდომარედ კი მეორე საჯარო სკოლის პედაგოგი ეთერ ელიზბარაშვილი. შეიარჩა ხმის დამთვლელი კომისია და გამოცხადდა კონფერენციის დღის წესრიგი. მაყვალა მაქლარაშვილმა დედოფლისწყაროს რაიონული ორგანიზაციის მიერ განეულ საქმეებზე გააკეთა მოხსენება და დანერგებით აუხსნა პედაგოგებს, სად მიდის პროფკავშირების საწევროს თითოეული თეთრი, რომელსაც პედაგოგები იხდიან ყოველთვიურად. ჯერ მხოლოდ ამ წელს დედოფლისწყაროს პროფკავშირების რაიონულ ორგანიზაციას 12 ექსკურსია აქვს განხორციე-

ტანგ გორგასლის სახელობის საკლესიო სკოლა-ლიცეუმში შემოუერთდა დედოფლისწყაროს რაიონულ ორგანიზაციას და მათი ყველა პედაგოგი სპოტ-ს წევრი გახდა. სწორედ მათი დირექტორის ქალბატონ თეა სხირტლაძის ინიციატივით, აღნიშნული შეხვედრისთვის სიამოვნებით დაუთმეს დარბაზი პედაგოგებს. ეს გახლდათ სიკეთით განვდილი ხელი, რომელიც გამოხატავდა კეთილ ნებას, რათა მათი სკოლის პედაგოგებმა გაიცნონ სხვა სკოლების პედაგოგები და ითანამშრომლონ მათთან.

ყრილობაზე პრობლემა აღმოჩნდა ასევე ის, რომ დედოფლისწყაროს რაიონულ ორგანიზაციას არ აქვს საკუთარი ოფისი, რაზეც მათ ხელმძღვანელობის დახმარება ესაჭიროებათ. ბოლოს, ორწლიანი ვადით, მოხდა რაიონული ორგანიზაციის თავმჯდომარის არჩევა, სადაც კვლავ უკონკურენტო აღმოჩნდა ქალბატონი მაყვალა მაქლარაშვილი.

ქალბატონი მაყვალა მაქლარაშვილი, რომ რაიონში სულ 430-მდე პედაგოგია, მათგან კი, პროფკავშირებში განევიანებულია მხოლოდ 260. გულისტკივილი გამოითქვა იმასთან დაკავშირებით, რომ პროფკავშირების გარეშე, რატომღაც, მხოლოდ ზემო ქედის მეორე საჯარო სკოლა აღმოჩნდა, რომლის არცერთი პედაგოგი, გაურკვეველი მიზეზების გამო, არ განევიანდა სპოტ-ში.

ქალბატონმა მაყვალა მაქლარაშვილმა მოუწონდა ყველა წევრს, მეტი აქტიურობა შეიტანონ საკუთარ კოლექტივებში და მეტი პედაგოგი დააინტერესონ სპოტ-ის წევრობით. რადგან, რაც

უფრო მეტი პედაგოგი განევიანდება პედაგოგთა პროფესიულ კავშირში, მით მეტი უფლებამოსილება ექნება მათ ორგანიზაციას, რომელიც სწორედ პედაგოგის უფლებების გაძლიერებისთვისაა მომართული.

ამით პედაგოგები გარკვეულ წვლილს შეიტანენ ქვეყნის მშენებლობის საკითხში. ყრილობაზე ოვაციით შეხვედრენ იმ სიახლეს, რომელიც წინა დღეებში ჩვენი პრეზიუმის მიერ გაუქმდა ტელეეთერით, რომ პედაგოგებს ამ წელში 65%-იანი სახელფასო ანაზღაურების ზრდა აქვთ. პრობლემა აღმოჩნდა ასევე ის, რომ დედოფლისწყაროს რაიონულ ორგანიზაციას არ აქვს საკუთარი ოფისი, რაზეც მათ ხელმძღვანელობის დახმარება ესაჭიროებათ. ბოლოს, ორწლიანი ვადით, მოხდა რაიონული ორგანიზაციის თავმჯდომარის არჩევა, სადაც კვლავ უკონკურენტო აღმოჩნდა ქალბატონი მაყვალა მაქლარაშვილი.

ქალბატონი მაყვალა მაქლარაშვილი, რომ რაიონში სულ 430-მდე პედაგოგია, მათგან კი, პროფკავშირებში განევიანებულია მხოლოდ 260. გულისტკივილი გამოითქვა იმასთან დაკავშირებით, რომ პროფკავშირების გარეშე, რატომღაც, მხოლოდ ზემო ქედის მეორე საჯარო სკოლა აღმოჩნდა, რომლის არცერთი პედაგოგი, გაურკვეველი მიზეზების გამო, არ განევიანდა სპოტ-ში.

ქალბატონმა მაყვალა მაქლარაშვილმა მოუწონდა ყველა წევრს, მეტი აქტიურობა შეიტანონ საკუთარ კოლექტივებში და მეტი პედაგოგი დააინტერესონ სპოტ-ის წევრობით. რადგან, რაც

სპორტის და განათლების სამსახურის უფროსი სპეციალისტი, ლვანდოსილი პედაგოგი ნანული ნატროშვილი. ორივე დამსწრე წევრმა, კიდევ უფრო მეტი თანადგომა გამოუცხადა რაიონულ ორგანიზაციას, ალუ-თქვა, რომ ერთობლივ თანამშრომლობით მეტს მიაღწევენ, ხოლო პედაგოგებს მოუწოდეს, რომ უფრო მეტი განევიანდეს სპოტ-ს ორგანიზაციაში, რათა შეძლოს მეტი წინსვლა, პროფესიული ზრდა და მეტი სტიმული პროფესიული მოვლემის შესრულების თვალსაზრისით.

შეხვედრაზე სიტყვით გამოვიდნენ არბოშიკის სკოლის დირექტორი მანანა ჭილიტაშვილი, ამავე სკოლის დანეშობითი კლასების ლვანდოსილი პედაგოგი ნუნუ გოგაშვილი, პირველი საჯარო სკოლის პედაგოგი ჯულიეტა პოპიაშვილი, ზემო მაჩხანის სკოლის პედაგოგი ნუნუ ჩუბინიძე, ოზანის სკოლის პედაგოგი ნანა ოზაშვილი, მეორე საჯარო სკოლის პედაგოგი მზია ხატიაშვილი, რომლებმაც მაღლობა გადაუხადეს პროფკავშირების ცენტრალური ორგანიზაციის ხელმძღვანელს მაია კობახიძეს და დედოფლისწყაროს რაიონული ორგანიზაციის თავმჯდომარე მაყვალა მაქლარაშვილს საქართველოს სხვადასხვა საკურორტო ადგილებში მათთვის განეული საინტერესო ტრენინგებისთვის და არაერთი ლამაზი საღამოსა თუ შეხვედრისთვის, რომელიც მათი ორგანიზაციის მიერ იქნა დაფინანსებული და ორგანიზებული.

ლალი მხრიშვილი



## „ღიას, ვაზია ღვინის ღმერთი, ღვინის უფალი!“ ...



30 ნოემბერს მოსწავლე-ახალგაზრდობის სახლში ჩატარდა ღონისძიება „საგალობელი ვაზისა“, სადაც მონაწილეობდნენ სხვადასხვა ასაკის მოსწავლეები სხვადასხვა სკოლებიდან. საქართველოში ვაზი მუდამ წმინდა, ღვთაებრივ მცენარედ იყო მიჩნეული, არ გაუვლია ქართულ მინაზე უცხოელ მოგზაურს, რომ ქართული ღვინის სიკეთით განევიფრებულს, ქებითა და დიდებით არ მოეხსენებინოს იგი. სხვა არცერთ ქრისტიანულ ქვეყანაში არ არსებობს „ვაზის ჯვრის კულტი“, მას მიეძღვნა არაერთი საგალობელი, მათ შორის გამოჩენილია დემეტრე უფლისწულის „შენ

ხარ ვენახი“, რომელიც ღვთისმშობელს მიეძღვნა.

...ფოთლების ფარდა... გოდორი, ქვევრი, დოქი, ჭიჭილები და ჭინჭილები, ვაზები, ბუჭტავს სანთელი, შუაში ვაზის ხე დგას, ეს ის უღამაზესი ფონია, რომელიც მოსწავლე-ახალგაზრდობის სახლის სააქტო დარბაზში შესვლისთანავე გჭრის თვალს. წელიწადის უმშვენიერეს დროს შემოდგომას, რომელიც ყოველთვის ასოცირდება დოვლათის, სიუხვის, მოსავლის, სიმდიდრის და რთველის სიმბოლოდ, ოდნავ შეცვლილი თემატიკით გვილოცავენ მოსწავლე-ახალგაზრდობის სახლის მოსწავლეები. რადგან

კახეთში რთველი შემოდგომის გვირგვინია, ხოლო მისი უკვდავი სიმბოლო ვაზია, ღონისძიებაც „საგალობელი ვაზისას“ ეძღვნება. მოსწავლეებმა მონეველ სტუმრებს დეკლამატორული ნიჭის თანხლებით უამრავი ხალხური გამონათქვამი, ლექსი და ანდაზა შეახსენეს ვაზსა და ღვინოზე, შეახსენეს მრავალი მხატვრის შთაგონების წყაროდ ქვეულ ვაზზე რამდენი ნახატი აქვს ფიროსმანს შექმნილი, რომ მათგან განსაკუთრებით გამოჩეულია „ქვიფი რთველში“.

კიდევ ერთხელ მოგვითხრეს ვაზის ორნამენტებით ამოტიფრულ ეკლესია-მონასტრებსა თუ ციხე-ტაძრებზე, ვაზისადმი მიძღვნილ კინოფილმებზე, ნანარმოებებზე...

„ღიას, ვაზია ღვინის ღმერთი, ღვინის უფალი, ჭირსახულის და ჭირ-ვაზაძის ჭირისუფალი...“

ღიას, ქართული მინის განუყოფელი ნაწილია ვაზი და ღვინო. მას ქართველი ხალხის ეკონომიკური ძლიერების განმტკიცებაში ყოველთვის უდიდესი როლი ენიჭებოდა. წმინდა ხედ აღიარე-

ბულ ერის სიმბოლოზე კი მეურნე კაცი შვილივით ზრუნავდა, მასში ქართველი თავის ვაჟკაცურ და ამაღლებულ სულსაც ხედავდა. მსოფლიოში სიტყვა „ღვინო“ ქართველთაგან არის გავრცელებული და მისგან მოდის ღვინის ყველა დასახელება.

ღონისძიება მოამზადა მოსწავლე-ახალგაზრდობის სახლის ღვანდოსილიმა პედაგოგმა ნინო სიფრაშვილმა, ხოლო მუსიკალური გამფორმებელი გახლდათ მუსიკის მასწავლებელი შორენა ასანიშვილი. „კინტაურის“ ფორმასა და ფიალებით ხელში გამოწყობილმა პატარებმა უამრავი სადღეგრძელო უძღ-

ვნეს ვაზს, როგორც ქართველის ღირსებას და პატივს, მუსიკის პანგების თანხლებით წარმოექმნა სადღეგრძელოებმა, „ყარაჩოხლების“ მიერ შესრულებულმა ცეკვამ და სიმღერებმა ფანდურზე განსაკუთრებული დატვირთვა შესძინა ღონისძიებას.

ღონისძიებას ესწრებოდნენ სააღმზრდელო ცენტრის ხელმძღვანელი მაია ყორიაშვილი, საგანმანათლებლო რესურს-ცენტრის დირექტორი ეთერ ზურიკაშვილი, მუნიციპალიტეტის გამგეობის წარმომადგენლები და სხვა მონეველი სტუმრები.

ელზა ხარაშვილი



# ახალი პედაგოგიური მიდგომები და მეთოდები ბაგა-ბალებში

ბოლო დროს ბავშვის აღზრდის დიდაქტიკაში დიდი ცვლილებები განხორციელდა. ამ საკითხს განსაკუთრებული ყურადღება ექცევა საბავშვო ბალებში. მეცადინეობები, რომლებიც ბავშვის ასაკიდან თითქმის ყველა ჯგუფში აქტივობებთან ერთად ტარდება, საკმაოდ საინტერესოა, მრავალფეროვანი და ბავშვის ფსიქოლოგიურ თუ შემეცნებით განვითარებაზე ორიენტირებული. თუ კარგად დავაკვირდებით მათი სწავლების და მომზადების მეთოდს, მივხვდებით, რომ ამდენი ინფორმაცია, რაც დღევანდელმა ბავშვებმა იციან, წინა თაობებს არ გააჩნდათ. კარგია თუ ცუდი ბავშვებისთვის ეს შემეცნება, ამაზე პედაგოგების სხვადასხვა ნაწილს სხვადასხვა შეხედულება აქვს. მართალია, მშობლებს უხარიათ, რომ მათმა შვილმა ბევრი რამ იცის, თუმცა ზოგიერთ პედაგოგს არ მოსწონს, რომ ბავშვებმა ბალბივე იციან იმდენი, რაც პირველი კლასის მოსწავლეს ევალდება, ხოლო, პირველ კლასში სწავლებისას მისი ცოდნა მიახლოებულია უკვე მეოთხე კლასის მოსწავლის ცოდნასთან. არიან პედაგოგები, რომლებიც ამას დადებითად აფასებენ და უხარიათ, რომ მათმა აღზრდილებმა ბევრი რამ ისწავლეს, თუმცა არიან პედაგოგები, რომლებიც ამას დიდაქტიკური თალსაზრისით არ იზიარებენ და თვლიან, რომ ამით ბავშვის გონებას ზედმეტად ტვირთავენ. ისინი არ ემხრობიან გადაჭარბებული ინფორმაციის მიწოდებას ბავშვებისთვის, რომლებსთვისაც ჯერ კიდევ ნაადრევია ამა თუ იმ პროგრამის ათვისება და თვლიან, რომ შესაძლოა, ბავშვმა ამჯერად კარგად აითისოს ყოველივე, თუმცა, ამან გაცილებით ცუდად იმოქმედოს, გადალახოს და დამანგრეველად იმოქმედოს პატარის შემდგომი მესხიერების სისხარტის განვითარებაზე.

ამ ფონზე თანამედროვე საბავშვო ბალებში პედაგოგიკაში ანსხვავებები ორ მიმდინარეობას: ვალდორფის პედაგოგიკას და მონტესორის პედაგოგიკას. ვალდორფის პედაგოგიკის მიხედვით, ადამიანის ცხოვრებაში სრულიად განსაკუთრებული ადგილი უჭირავს პირველ შვიდწლიან, ანუ სკოლამდელ ასაკს. ეს არის ძირითადი ფიზიკური სხეულის ჩამოყალიბების პერიოდი და ბავშვი შინაგანი ძალებით მთლიანად ემსახურება ამ ამოცანას. რაც განვითარების ამ პერიოდში აისახება, იქნება ეს პოზიტიური თუ ნეგატიური, ადამიანს მთელი ცხოვრების მანძილზე მიჰყვება. სწორედ ამ პერიოდში ხდება ისეთი უმნიშვნელოვანესი ადამიანური უნარების ჩამოყალიბება, როგორც არის გამართული სიარული, ჯდომა, მეტყველება და აზროვნება. ამავე დროს ყალიბდება საკუთარი თავის განცდა გარე სამყაროსთან მიმართებაში, საფუძველი ყვება ადამიანის სოციალურობას. ამ ასაკში მიღებული ჩვევები, როგორც ზემოთ უკვე ითქვა, ადამიანს მთელი ცხოვრების მანძილზე მიჰყვება. ეს არის ასაკი, როდესაც ინტელექტის ძალები გარკვეულ პუნქტებზე განვითარებას განიცდის, ამიტომ დიდი მნიშვნელობა აქვს, რომ ბავშვი ზედმეტად არ გადაიტვირთოს ინტელექტუალურად, რადგან ეს მის ფიზიკურ განვითარებაზე უარყოფითად აისახება.

ხოლო, მონტესორის პედაგოგიკის საფუძველია სპეციალური განმავითარებელი გარემო, რომელშიც ბავშვი სასარგებლო თამაშებით სწავლობს, ვითარდება და ყალიბდება უფროსების ძალდატანების და უხეში ჩარე-

ვის გარეშე. გარემო დაყოფილია შესაბამის ზონებად, სადაც ხდება მოტორიკის, სენსორიკის, მეტყველების განვითარება, სწორი მათემატიკური აზროვნების ჩამოყალიბება, სამყაროს შესწავლა (ბიოლოგიის, გეოგრაფიის, ასტრონომიის საფუძველები), კითხვის და წერითი უნარების ჩამოყალიბება, უცხო ენების საფუძველების დაუფლება, კრეატიული და წარმოსახვითი აზროვნების განვითარება, პრაქტიკული ცხოვრების უნარ-ჩვევების გამოუმუშავება. თუ რომელი მიმდინარეობაა სწორი, ამაზე მე ვერ მივცემ თავს უფლებას ვიმსჯელო, თუმცა იმას კი ვიტყვი, რომ ჩვენს საბავშვო ბალებში თამაშთამაშით ხდება გარკვეული უნარების სწავლება და ჩამოყალიბება, უფრო ზუსტად, ბავშვის იმ კონდინციამდე მიყვანა, რომ მისი გონება ბალის დამთავრების შემდეგ, სკოლის პროგრამის ათვისებისთვის მზად იყოს. სწორედ ამ ეგიდით მიმდინარეობს სწავლება ჩვენს საბავშვო ბალებში, სადაც ბოლო დროს ხშირად ტარდება სხვადასხვა შინაარსის ღია გაკვეთილები.

გასულ კვირას ღია გაკვეთილებს დავესწარი №2 ბაგა-ბალებში, სადაც პედაგოგებმა თამილა ტუხაშვილმა, ქეთევან გიგოლაშვილმა, ნაიკო რეხვიაშვილმა და მეთოდისტმა ნათელა თამაზაშვილმა ღია გაკვეთილები ჩაატარეს.

ნაიკო რეხვიაშვილი 4-5 წლიანი ბავშვების ჯგუფში მუშაობს და მან თავის აღსაზრდელებთან ერთად ათამდე თვლაზე იმუშავა, შემდეგ ციფრი ოთხის სწავლა გაამყარებინა ბავშვებს და ციფრი ხუთი აუხსნა. ღია გაკვეთილზე ბავშვებმა თამაშ-თამაშით უპასუხეს მასწავლებელს კითხვებზე გეომეტრიული ფიგურების და მათი ფერების შესახებ. პატარებმა გეომეტრიული ფიგურები დიდ ქაღალდზე ლამაზად ჩაანებეს და ერთი დიდი კონსტრუქცია ააწყეს.

საკმაოდ საინტერესო და მაღალი დონის გაკვეთილი ჩაატარა გამოცდილი პედაგოგმა და მეთოდისტმა ნათელა თამაზაშვილმა იგივე ჯგუფში, სადაც მან კომბინირებული გაკვეთილი ექსპერიმენტის სახით სცადა და ახალი ზღაპარი გააცნო პატარებს. მან ბავშვებს უცხოური ზღაპარი „მედიფერა ყვავილი“ წაუკითხა, შემდეგ ზღაპარში მოცემული ბავშვებისთვის უცხო და ახალი სიტყვები განმარტა და კითხვებით გამოჰკითხა ბავშვებს ის, თუ რა გაიგეს მათ ამ ზღაპრიდან. საინტერესო გახლდათ ნათელა მასწავლებლის მიერ გრძელი და მოკლე თოკის თვალსაჩინოების წარმოდგენით გრძელისა და მოკლეს ახსნა, ვინრო და ფართო ქაღალდის ჩვენებით ვინროსა და ფართოს ახსნა. დიდი მატარებლისა და პატარა მანქანის ჩვენებით კი, პატარის და დიდის გარჩევა. ქალბატონი ნათელა მეცადინეობების დროს ბავშვების ყურადღებას აღუნიბდა და სთხოვდა, შეესვენათ და ცოტა ნაევარჯიშით, რაც პირდაპირ იყო გათვლილი იმაზე, რომ აღსაზრდელები არ გადადლილიყვნენ მოსმენით. საკმაოდ სახალისო და აქტივობებით დატვირთული გაკვეთილი ნათელა მასწავლებლის სახალისო გასეირნებით დასრულდა, მან ბავშვები ჩაიბა და მატარებლის მსგავსად კლასიდან გარეთ, აივანზე გაიყვანა, სადაც პატარებმა სუფთა ჰაერიც ჩაყლაპეს, გახალისდნენ, გაითამაშეს და კლასში სიხარულით დაბრუნდნენ.

კიდევ უფრო საინტერესო აღმოჩნდა პედაგოგ ქეთევან გიგოლაშვილის ღია გაკვეთილი. მან თავის აღსაზრდელებს ნაძვის ხე

მოუმზადა, რომელზეც გირჩები იყო დამაგრებული, ზოგიერთი გირჩი იატაკზე ჩამოცვენილიყო, პედაგოგმა კალათა მიანოდა ბავშვებს და სთხოვა, გირჩები ისე აეკრიფათ, რომ კალათაში ჩათევალათ. ჭერზე ძაფით დაკიდული გახლდათ ფერად-ფერადი გეომეტრიული ფიგურები, პედაგოგმა კლასში ქაღალდის დიდი კამათელი შემოიტანა, რომელზეც გეომეტრიული ფიგურები იყო გამოსახული. მან პატარებს კამათელის გაგორება სთხოვა და რომელ ფიგურაზეც დაჯდებოდა კამათელი, სცენაზე გამოსული აღსაზრდელებიც იმ ფიგურას მოძებნიდნენ და პედაგოგის დახმარებით მაკრატლით ჭრიდნენ ჭერიდან. სახალისო გაკვეთილი გეომეტრიული ფიგურების განმტკიცებით და ახალი ფიგურის, წრის ახსნით დასრულდა, ამისთვის მათ თავზე საკლასო ოთახის ცენტრიდან დიდი ყვითელი მზე დაჰყურებდათ. ნრე რომ მრგვალია და მას შეუძლია გაგორდეს, ამის უკეთ ასახსნელად პედაგოგმა ნელზე დასატრიალებელი რგოლი აჩვენა ბავშვებს. მან რგოლი გააგორა, დაატრიალა და აუხსნა, რომ მრგვალი ფიგურა გორავს, ხოლო კუთხოვანი – არა. კულმინაციისკენ აღსაზრდელებს კიდევ ერთი სიურპრიზი ელოდათ, კლასის შუაში პედაგოგს მომზადებული ჰქონდა საინი, რომელზეც ეყარა შავი სილა, მასწავლებელმა პატარები სათითაოდ გამოიძახა და ამ საინზე, სილაში საჩვენებელი თითით წრის შემოსაზვა სთხოვა, რასაც ისინი დიდი ხალისით ასრულებდნენ. გაკვეთილი მუსიკის ფონზე დასრულდა, როდესაც ისინი პედაგოგის მიერ გამოჭრილ ფერად-ფერადი ქაღალდების ბურთებს ერთ დიდ თეთრ ქაღალდზე აკრავდნენ, რითაც მათ მთლიანობაში ჭიანჭველა გამოხატეს, ბოლოს კი, წრის უკეთ გასაცნობიერებლად ქაფიანი ბუმბუტები გაუშვეს, რითაც კიდევ ერთხელ კარგად განამტკიცეს და გაითავისეს სამყაროში წრის მრავალფეროვანი სახით არსებობა.

ამავე დღეს ღია გაკვეთილი წარმოადგინა პედაგოგმა თამილა ტუხაშვილმა. მან 2-3 წლიანთა ბავშვების ჯგუფში კვადრატის ახსნა, ბავშვებს თავზე ქაღალდის გვირგვინები ეკეთათ, რომელზეც მათემატიკური ციფრები იყო გამოსახული, ციფრები ერთი, ორი, სამი მათ კარგად აუთვისებიათ, ამიტომ გირჩების, ფულაჟების და კენჭების ნაშაში მათ უკვე შეეძლოთ ამოერჩიათ პედაგოგის მიერ მოთხოვნილი ნივთები. მათ იცოდნენ ორი ბანანის ამოჩვენა, ოთხი მარწყვის ან ერთი გირჩის გამოყოფა სხვებისგან. აღსაზრდელებს რიცხვების შესახებ ლექსებიც გაუზეპირებიათ, ხოლო გეომეტრიული ფიგურები ფერებისა და ფიგურათა მსგავსების მიხედვით დააჯგუფეს კიდევ.

ღია გაკვეთილებს ცოდნა-გამოცდილების გაზიარების მიზნით ესწრებოდნენ დედოფლისწყაროს N1, N3, N4, სამრეკლოს, გამარჯვების და ხორნაბუჯის ბაგა-ბაღის დირექტორები და პედაგოგები.

მთელი კვირის მანძილზე N2 საბავშვო ბაგა-ბაღის ღია გაკვეთილებს სკოლამდელი და სკოლისგარეშე სააღმზრდელო ცენტრიდან ესწრებოდნენ ეთერ ათანელიშვილი, ეკატერინე პოპაშვილი, ნინო კვინინაშვილი, მია ცოგომეილი. დამსწრე საზოგადოებამ და თავად ამ ბაგა-ბაღის დირექტორმა ქალბატონმა მანანა ტოკლიკიშვილმა დადებითად შეაფასა თითოეული პედაგოგის ნამუშევარი და მადლობა გადაუხადა მათ განუვლი შრომისთვის.

ლალი მხრიშვილი





# თეთრ თოვანში



# ჩემი სახლი

როდესაც ადამიანები ჩვენს სახლზე ვლაპარაკობთ, ყოველთვის წარმოვიდგენთ ადგილს, სადაც ცხოვრების ყველაზე დიდ დროს ვატარებთ. ის თითოეული ჩვენთაგანისთვის მარტო მატერიალური მდგომარეობის განმსაზღვრელი კი არაა, არამედ ის არის ჩვენი პირადი სივრცე, იქ მცხოვრები ადამიანებით, სულიერი და უსულო საგნების ერთობლიობით. ალბათ მიმისხვდით, რისი თქმაც მინდა- ადამიანები მარტო იმ კედლებს კი არ ვერჩევით, სადაც ყოველდღიურად გვინევს ყოფნა, არამედ თითოეული იმ განცდის თანამოზიარეცაა ჩვენი სახლი, რომელსაც ყოველწლიურად განვიცდით: ჩვენი სიხარულის, ბედნიერების, მწუხარების, ცრემლების... ძნელია, ორი სიტყვით გადმოსცე მთელი შენი ცხოვრების ყოველი დეტალი, მაგრამ ეს ყველაფერი ისედაც იცის შენმა სახლმა... და შენც ერჩევი მას, სიხარულით ალამაზე, ზრუნავ მასზე, როგორც სულიერზე, რომ რაიმე არ დაუშავდეს... მიჩვევა ხომ ყველაზე დიდი სიყვარულია... ასეა, შენი სივრცის მიღმა დარჩენილებმა არ იციან, რას აკეთებ, როცა სამსახურიდან დაღლილი შინ ბრუნდები, როგორ ტირი ან განიცდი, როცა დაუმსახურებლად გატყენენ გულს, ან როცა საყვარელ ადამიანებს კარგავ... ამ ამბების ჩუმი და, ამავდროულად, ყველაზე ერთგული მოწმეა შენი სახლი, სადაც ამ მოგონებებთან და შენი ოჯახის წევრებთან ერთად სახლობენ ის ნივთებიც, რომელთაც ასევე ერჩევი და გიყვარდება... აქაა შენი და შენი ნინაპრების ფოტოარქივი-სურათების ალბომი, რომელიც ბევრი ამბის მომსწრეა და ყველაზე ღირებული.

მომისმენია იმ ადამიანებისთვის, რომელთაც სახლები დაკარგეს. ახლაც ყურში ჩამესმის მათი გაბზარული ხმა. ადამიანები ხმას დიდი ტრაგედიისას კარგავენ. სახლის დაკარგვა არანაკლები ტრაგედიაა-კედლებთან ერთად კარგავ ყველაფერს, რაც შენთვის ძალიან ახლობელია და საყვარელი... კარგავ იმ სიმყუდროვისა და დატულობის შეგრძნებას, რომელიც მხოლოდ შენს სახლში გეუფლება... იქნებ არც დაფიქრებულვართ, რატომაა ჩვენი სახლი ასეთი ღირებული...

ინგა შიოლაშვილი

## ყურადღება!

საქართველოს ჯანმრთელობისა და სოციალური დაცვის სამინისტროს მხარდაჭერით C ჰეპატიტის ელიმინაციის პროექტის ფარგლებში საქართველოში 2015 წლის 1 ნოემბრიდან 2016 წლის თებერვლის ბოლომდე დაგეგმილია C ჰეპატიტის სკრინინგი. საქართველოს ნემისმიერ მოქალაქეს შესაძლებლობა აქვს ჩაიტაროს უფასო სკრინინგული კვლევა დაავადებათა კონტროლისა და საზოგადოებრივი ჯანმრთელობის ეროვნული ცენტრის ლაბორატორიებში. დედოფლის წყაროს მუნიციპალიტეტში მცხოვრებ მოქალაქეებს C ჰეპატიტის სკრინინგული კვლევისთვის შეგიძლიათ მობრძანდეთ ქ. დედოფლის წყაროს მუნიციპალიტეტის საზოგადოებრივი ჯანმრთელობის დაცვის ცენტრში მისამართზე: დედოფლისწყარო, ნიკორციხის ქ.49(საავადმყოფოს ტერიტორია). კვლევა ჩატარდება 2015 წლის 15 დეკემბერს, 2016 წლის 22 იანვარს, 2016 წლის 16 თებერვალს.

თეთრ თოვანში თეთრ ბილიკებს მარტო შევჩნი, თავს მხოლოდდა თეთრი დარდი დამტრიალებს, საგუნდაოდ ემაწვილივით გული მერჩის, და წლებს ხელში უხერხულად ვატრიალებ. თვალს ჩაუყურავ თეთრად მზირალ თოვლის ზაზას, და ბალებების კრამიული გამაცილებს, ჩაივლი და ჩაივლილ დღეთა ჩუმი ნატვრა,

თეთრ ღამეში თეთრადაც არ დამაძინებს. რა ვქნა, როგორ არ გათავდა თეთრი დარდი, რა ვქნა, როგორ არ თავდება გზაი ესე, მერამდენედ ბინდისფერად ჩამოვლადი, მერამდენედ მზეს ღიმილი დაეუსესე. მერამდენედ ვეუარე ნანატრ მზერას, მერამდენედ გამოვქექე ქარის ამბორს...

ჩემგან სადღაც შორს წასული ბედისწერა, აღმა-დაღმა არსეინად დანაჯარდობს. თეთრ თოვანში თეთრ ბილიკზე მარტო დავჩნი, თავს მხოლოდდა თეთრი დარდი დამტრიალებს, საგუნდაოდ ძველებურად გული მერჩის, და... წლებს ხელში უხერხულად ვატრიალებ. ზიზო ბურღული

## ულოცავენ!

**ეთარ ოზაეთელაშვილს!**  
**ლაზა ხახელაშვილს!**

გილოცავთ შავი ზღვის საერთაშორისო უნივერსიტეტის წარმატებით დამთავრებას და იმავე უნივერსიტეტში მუშაობის დაწყებას, სწავლის გაგრძელებას, ასევე სადოქტოროს წარმატებით დამთავრებას. სულ ასე წარმატებით გაგეტარებინოთ თქვენი ცხოვრება. ღმერთი იყოს თქვენი მფარველი.

ბავიები: დარაჯან, ნორა იაკობიშვილები, სვეტა ლაპიაშვილი; პაპა ნუზარ ლაპიაშვილი, მამა ღათო ოზაეთელაშვილი.

**ნათია ოზაეთელაშვილს!**  
**შალვა ჭუჭულაშვილს!**

გილოცავთ ქსანდის დაბადებას. ბედნიერი გოგო გაზრდილიყოს. გისურვებთ გამრავლებას. ასევე გილოცავთ GIPA-ს უნივერსიტეტის დამთავრებას და სწავლის გაგრძელებას. ღმერთი იყოს თქვენი მფარველი.

ბავიები: დარაჯან, ნორა იაკობიშვილები, სვეტა ლაპიაშვილი; პაპა: ნუზარ ლაპიაშვილი, ღათო ოზაეთელაშვილი.

## იყიდება!

იყიდება კერძო კაპიტალური აგურის სახლი ბელეტაუზე ორი აივნით და მაღალჭერიანი სარდაფებით. საერთო ფართი არის 1300 კვ.მ და სახლის ფართი 140 კვ.მ. მისამართი: 9 ძმის ქუჩა.

☎ 577 22 32 19.

ფასი 20 000\$. იკითხეთ ლევან იაკობიშვილი.

**ჯუმაზარ უთრუთაშვილს!**

გულწრფელი სიყვარულით და პატივისცემით გილოცავთ დაბადების დღეს. გისურვებთ ჯანმრთელ და ხანგრძლივ სიცოცხლეს. იყავით ბედნიერი თქვენს შვილებთან და შვილიშვილებთან. კვლავაც შემოქმედებით წარმატებებს გისურვებთ. თქვენი ძარღვიანი ქართული დანერილი მშვენიერი ლექსები არ მოჰკლებოდეს თქვენი პოეზიის თაყვანისმცემლებს, მათ შორის - ჩვენც.

ზაურ გონაშვილი, თამაზ ნიკლაური, სარგო კართველიშვილი, თამილა ლოპუანიძე, ნატო ყაბაშვილი, ნინო სახნიაშვილი.

ამინდი		დედოფლისწყარო		პარასკევი		შაბათი		კვირა			
ორშაბათი 07.12	სამშაბათი 08.12	ოთხშაბათი 09.12	ხუთშაბათი 10.12	პარასკევი 11.12	შაბათი 12.12	კვირა 13.12	დღე	ღამე	დღე	ღამე	
დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე
☀	☾	☀	☾	☀	☾	☀	☾	☀	☾	☀	☾
0°	-2°	3°	0°	1°	0°	1°	0°	0°	-2°	0°	-1°
3°	2°	3°	2°	3°	2°	3°	2°	3°	2°	3°	2°

<p>გამომცემელი შპს „შირაქი“ დირექტორი ინგა შიოლაშვილი</p> <p>რედაქტორი ნაირა გორაშვილი-პოპიაშვილი</p> <p>წერილში მოყვანილ ფაქტებსა და ციფრებს პასუხს ავებს ავტორი.</p>	<p>სარედაქციო კოლეგია: ლალი მხრისიშვილი, ილია მარტყოფლიშვილი (გურნალისტები); ულა ხარაშვილი (სტილისტ-მხეცერი); ნათია გონაშვილი (ბუღალტერი); ნინო ჯანაშვილი (ოფის-მხეცერი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).</p> <p>გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „სამშობლოს“ სტამბაში.</p>	<p>რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 591-97-73-26 (რედაქტორი)</p> <p>რეგისტრირებულია დედოფლისწყაროს რაიონის სასამართლოს მიერ, №6014-468.</p>
--	---	---